



Bosnia and Herzegovina
Federation of Bosnia and Herzegovina

CANTON SARAJEVO
Ministry of Internal Affairs

Broj: 01-9-02-2-2837/26
Sarajevo, 15.06.2026. godine

SKUPŠTINA KANTONA SARAJEVO
n/r predsjedavajućeg Skupštine

PREDMET: Odgovor na zastupničko pitanje zastupnice Kristić Danijele, dostavlja se;
VEZA: Vaš akt broj: 01-04-24273-12/26 od 05.05.2026. godine

U skladu sa članom 219. stav 3. Poslovnika Skupštine Kantona Sarajevo ("Službene novine Kantona Sarajevo"- br. 41/12-Drugi novi prečišćeni tekst, 15/13, 47/13, 47/15, 48/16 i 17/22), dostavljamo odgovor na zastupničko pitanje, koje je dana 05.05.2026. godine na 30. radnoj sjednici Skupštine Kantona Sarajevo uputila zastupnica Kristić Danijela, a koje je glasilo „Da li Ministarstvo unutrašnjih poslova, centri za socijalni rad ili nadležni organi nakon izricanja zaštitnih mjera, mjera zabrane ili drugih mjera u slučajevima nasilja u porodici obavještavaju poslodavca lica kojem su mjere izrečene posebno u slučajevima kada to lice na radnom mjestu koristi službeno oružje, obavlja poslove zaštite, sigurnosti ili druge poslove od posebnog rizika.“.

Odgovor:

„Odredbom člana 41. Zakona o zaštiti od nasilja u porodici i nasilja prema ženama propisano je kome se dostavlja rješenje o izricanju zaštitne mjere, te u istom poslodavac nije naveden kao subjekt dostave. Pažljivo prateći primjere iz prakse prilikom primjene gore navedenog zakona kako poteškoće tako i prostor za unapređenje mehanizma zaštite žrtve mišljenja smo da bi član 41. Zakona mogao biti proširen na način da dostava predmetnog rješenja bude obavezna i prema poslodavcu lica kojem su izrečene zaštitne mjere.“

S poštovanjem,

Prilog:

1. Akt Ministarstva unutrašnjih poslova Kantona Sarajevo Uprave policije broj:02/1-3-51/26 od 29.05.2026. godine;
2. CD x1.

Dostaviti:

1. Naslovu;
2. Stručna služba Vlade Kantona Sarajevo;
3. Za objavu na web stranici Ministarstva;
4. a/a.



Bosna i Hercegovina
 Federacija Bosne i Hercegovine
KANTON SARAJEVO
 Ministarstvo unutrašnjih poslova
 Uprava policije
 Ured policijskog komesara



Босна и Херцеговина
 Федерација Босне и Херцеговине
КАНТОН САРАЈЕВО
 Министарство унутрашњих послова
 Управа полиције
 Уред полицијског комесара

Bosnia and Herzegovina
 Federation of Bosnia and Herzegovina

CANTON SARAJEVO
 Ministry of Internal Affairs
 Police department
 Office of the Police Commissioner

Broj: 02/1-3-⁵¹ /26
 Datum: 29.05.2026. godine

MINISTARSTVO UNUTRAŠNJIH POSLOVA
 -n/r Sekretara ministarstva

PREDMET: **Zastupničko pitanje**, odgovor, d o s t a v l j a m o .-

VEZA: Vaš akt broj 01-9-02-2-2837/26 od 11.05.2026. godine.

U vezi Vašeg akta broj i datum gornji, u prilogu istog dostavljamo odgovor na zastupničku inicijativu zastupnice u Skupštini Kantona Sarajevo Kristić Danijele.

S poštovanjem,



INFORMACIJA

Sačinjena dana 29.05.2026. godine u službenim prostorijama Odjeljenja za prevenciju maloljetničkog prijestupništva, nasilja u porodici i rad policije u zajednici, na okolnosti Zastupničke inicijative zastupnice u Skupštini Kantona Sarajevo Kristić Danijele.

Zakonom o zaštiti od nasilja u porodici i nasilja prema ženama FBiH ("Službene novine Federacije Bosne i Hercegovine broj 19/25"), Pravilnikom o načinu provođenja zaštitnih mjera za počinioce nasilja u porodici koje su u nadležnosti policije ("Službene novine Federacije Bosne i Hercegovine broj 86/25"), Pravilnikom o postupku i načinu provođenja procjene rizika za žrtve nasilja u porodici i nasilja prema ženama ("Službene novine Federacije Bosne i Hercegovine broj 86/25"), nije propisano obavještanja poslodavca učinioca o izrečenim zaštitnim mjerama, bez obzira na vrstu djelatnosti poslodavca.

Članom 41. Zakona o zaštiti od nasilja u porodici i nasilja prema ženama određeno je da se Rješenje o izricanju zaštitne mjere dostavlja: osobi kojoj je mjera izrečena, podnosiocu zahtjeva, žrtvi, organu nadležnom za izvršenje izrečene zaštitne mjere, nadležnom policijskom organu, nadležnom tužiocu i organu starateljstva. Dakle, prema važećem propisu, poslodavac - bez obzira na djelatnost istog, nije naveden kao subjekt dostave ovoga rješenja.

U postupku donošenja ovoga Zakona, Uprava policije MUP-a Kantona Sarajevo je, zajedno sa Kantonalnim tužilaštvom Kantona Sarajevo, donosiocu - Federalnom ministarstvu pravde, dostavilo više prijedloga i sugestija s ciljem unapređenja provedbe navedenog Zakona i podzakonskih propisa.

Pažljivo prateći različite primjere iz prakse prilikom primjene ovoga Zakona, kako poteškoće, tako i prostor za unapređenje mehanizma zaštite žrtve - na stajalištu smo da bi član 41. Zakona mogao biti proširen, na način da je dostava predmetnog Rješenja obavezna i prema poslodavcu lica kojem su izrečene zaštitne mjere.

Sarajevo, 29.05.2026. godine.